

Cume i castegn

Seraat dent
'nal sò rìsc quarciaat dumà da spin
di volt
ognün da nüm l'è fai cume i castegn.
E lur però, i castegn,
propi cume nüm
magari un puu scundüüt
un cör i ga l'ha dent.
Al resta dulz ul cör
dopu un'estaat lunga,
un cör fai da suu
a scaldà i giurnaat grìs
quand che l'üga marüda la büi
par fa un vin bon.
Crodarà i föi
cume è crodaat i rìsc
a tegnì tevid i radìs di trunc che resta in pee
cun fö i segn di tempest,
ma dent pien da calur
par rebütà in primavera una cascjàda da fiuu növ.
E volarà i avicc
pal meer dal ann che vegn.

sighi